

لحظة شعر

ماتت بوجه المقبلات الاماني
وظليت مثل اللي تذرا على شبح
لا صد عن ريح الشعر والأغاني
ما قام لا ثابت ، ولا راضي يطيح
يا صاحبي لو غبت بين المجاني
الوقت داير والليالي مارجيح
بكره تحس بضيق فقد وتعاني
وتدور لـ ضيق الليالي مفاتيح
أذخر دموعك خلفها وقت ثاني
ماهي بحاجة منك دمع التماسيح
أنت أول اللي للقصيد رماني
وانت آخر اللي ممتليني تباريح
عبدالله فليج

الشعر ضيقه تستغل الثواني
والليل كتله من شعور التباريح
ذكراك مدري شوقي اللي خذاني
وأشعل لك بـ ليل التجافي مصابيح
أغيب وأتشرّد بغربة زماني
وأجيك غيمه ساقها هبت الريح
وأصد مدري شعور ضيقه حواني
أو الغلا لحظه من احساس ويسيح
لا تقول مغرور وغريب واناني
أنا بشر كومة قصيد وتجاريح
عطيت لكن منهو اللي عطاني ؟
من يذبح الضيقه من الصدر وتزيج ؟
اللي يبني قربي أنا في مكاني
واللي طعني يا عسا ربي يبيح

المدايا

ما بين كيف ومتى عيناك تهني الرقاد ؟
وانا من اسنين به ما تهنتني عيني
يا هيه واشلون تنسي عاشقك والوداد
اسلي الروح وجروحي تسليني
خلاص مابي هدايا دام قلبك جماد
طويت صفحتك وما فيني يكفيني
والشوق لا هب قلبي وحنايا زاد
باعلمه وش حصل منك ومشقيني
فمن اول العام ترسل لي هدايا جداد
يكفي هداياك والدمعة تواسيني

احمد المنتشري

من اول العام تهديني جروح جداد
وش انتظر في نهاية عام تهديني ؟
عادتك من عام الأول والهدايا تعاد
فالله يقويك وأنا الله يقويني
في كل عام اتجرى جيتك فـ المعاد
واصحى على جرح لـ الأول ينسيني
اسهر اعد الثواني بالوله والسهاد
والروح من زود ما فيها تعينيني
احرقت قلبي بجرحك لين صاير رماد
حتى يديني شكت من مسكة ايديني
تجرح وتضحك وعينك من فرحها وكاد
تستانس الرقص في مسرح شراييني